




Deporte Local

Proyectonan di ASA pa 2020 ta inclui e prome academia pa keeper na Aruba



ORANJESTAD (AAN): E aña aki Aruba Soccer Academy ta sigui cu nan proyectonan pa yuda y stimula hobennan pa participa na futbol.

Ora cu mucha y hobennan practica deporte, na tin menos chens di cay riba e mal caminda y pesey ASA ta sigui bin cu proyecto.

Durante un entrevista recientemente un di e entrenadornan di ASA David "Appie" Abdul, a splica cu e plannan di e academia ta sigur pa sigui desaroya y implementa strategianan pa yuda mucha y hobennan.

di menos recurso tambe, pa nan tambe por participa na e camp y entrenamentonan di futbol.

Pa 2020 ASA tin tambe un programa cu yama Soca-tots, cu ta pa muchanan di 1 te cu 3 aña tin cu bin y participa cu nan mayornan, unda cu e mama y/of tata ta conecta cu nan yiu via e deporte.

Hunto e tata/mama y e yiu ta practica e deporte y asina ta forma un conexion fuerte cu otro.

Actualmente tin 60 pa 80 mucha ta participa na esaki.

ASA tin un proyecto tambe pa pariba di brug, mientras cu nan tin tambe ASA Pro pa muchanan di alrededor di 13 pa 15 aña, cu ta e mi-hornan den nan edad.

Algo bunita tambe ta cu e muchanan por haya guia y ayudo cu huiswerk, unda cu nan ta den un atmosfera profesional.

Pa prome biaha na Aruba ta bay tin tambe un academia special pa keeper so.

ASA ta bay cumenza cu esaki riba 2 di Februari, pues e inscripcionnan a cumenza caba.

Un proyecto interesante

tambe di ASA ta un torneo di bario, unda cu lo trece un torneo di futbol den diferente bario.

"Hopi biaha no ta facil pa muchanan yega unda cu e torneo ta y pesey na 2020 nos ta bay trece un cancha den e bario pa organiza un torneo den nan bario".

Esaki segun Abdul, kende a sigui bisa cu e ganadornan di cada bario lo hunga contra otro e ora ey.

Asina e muchanan ta ripara tambe cu no ta pasobra bo ta

Banda di camponan pa mucha pariba di brug, ASA tin

tambe plannan grandi pa muchanan muher, mirando cu futbol di hende muher ta creciendo.

Abdul a splica cu na Aruba tin varios mucha muher cu ta hungando futbol y ASA tin un programa pa muchanan muher di 4 pa 16 aña cu ta interesa pa hunga y kier uni nan mes despues na un equipo.

E programa pa mucha muher yama 'Always Girl Program'.

Telefonnan di DIARIO
Tel: 582 2239
Fax: 582 8551